

Američka fondacija sa sjedištem u Los Angelesu, koja stipendira mlade u Bosni i Hercegovini 'Bosana Fondacija', jednom godišnje objavljuje konkurs za stipendiranje studenata prvog ciklusa studija na državnim fakultetima u BiH, za koje vlada ogromno interesovanje studenata.

Iza Bosana Fondacije je 13 godina uspješnog rada kao najveće fondacije koja pomaže mladima u obrazovanju sa preko 150 uspješnih studenata koji danas čine mrežu prijateljstva kroz Bosana porodicu, a koja se zasniva na zdravoj komunikaciji, zajedničkim dogovorima, druženjima i međusobnoj podršci.

Stipendija Bosana Fondacije je namijenjena ambicioznim studentima/icama koji žele ostvariti svoje snove, ali im je potrebna dodatna finansijska podrška, bez koje je vrlo upitan dalji korak uspjeha i školovanja.

Stipendija nije samo novčana pomoć, ona podrazumijeva i profesionalnu podršku, preporuke i pomoć pri pronalaženju poslova i volontiranja.

[Saopštenje](#) Fondacije BOSANA BiH o otvaranju ovogodišnjeg poziva:

### **KONKURS BOSANA FONDACIJE USA**

#### **za dodjelu stipendija redovnim studentima/icama s područja države Bosne i Hercegovine u akademskoj 2023/2024. godini**

Konkurs će biti otvoren od **1. augusta 2023. do 15. augusta 2023.** godine, a uslove za prijavu su sljedeći:

#### **I Uslovi:**

- Da si državljanin/ka Bosne i Hercegovine;
- Da imaš prebivalište u Bosni i Hercegovini;
- Da upisuješ ili si upisan/a kao redovan/na student/ica na prvom ciklusu studija, na fakultetu koji pripada jednom od državnih Univerziteta u Bosni i Hercegovini;  
*Napomena: zahtjev za podršku na drugim ciklusima i drugim univerzitetima će biti odbijen;*
- Da nisi ponavljao/la godinu na fakultetu;
- Da ne primaš nikakvu drugu stipendiju od nevladinih organizacija;
- Spremni volontirati 10h mjesečno i podnijeti izvještaj svaki mjesec;
- Prednost imaju kandidati koji su:
  - na početnim godinama studija;
  - trenutno smješteni u domu za nezbrinutu djecu ili su u prošlosti bili smješteni u domu za nezbrinutu djecu, pedagoškoj zajednici ili hraniteljskoj porodici;
  - kandidati čiji su staratelji/roditelji nezaposleni ili imaju izuzetno niska primanja.

#### **II Kriteriji za dodjelu stipendija obuhvataju:**

- Akademska dostignuća (30%);
- Nastavne i vannastavne aktivnosti i dostignuća (20%);
- Socio-ekonomski status (30%);
- Specifične okolnosti (20%).

#### **III Šta BOSANA stipendija podrazumijeva?**

- 200KM džeparca

- Podrška pri pokrivanju troškova smještaja - ukoliko je potrebno;
- Pokrivene određene troškove fakulteta;
- Mogućnost prakse ili privremenog zaposlenja;
- Fond za profesionalnu orijentaciju;
- Mjesečna komunikacija u smislu podrške studentima/cama;
- Individualni mentori dodijeljeni studentima/cama na osnovu sličnosti u struci ili interesima kako bi im pomogli ka profesionalnom usavršavanju i podržali ih na razne načine;
- Godišnja druženja sa BOSANA članovima/cama i svim studentima/cama na različitim lokacijama u BiH;

#### **NAPOMENA ZA SVE APLIKANTE**

Prijave na Konkurs podnose se elektronskim putem na sljedećem linku:

<https://bosanakonkurs.moonlight.ba/>.

Aplikaciji za prijavu ćete moći pristupiti 1. augusta.

Krajnji rok za predaju prijava je utorak, 15. august 2023. godine (do ponoći).

Detaljne informacije o Konkursu možete pronaći na [web stranici](#) Bosana Fondacije u segmentu '[Vodič za razumijevanje programa stipendiranja FONDACIJE BOSANA & uputstvo za pripremu dokumentacije za aplikaciju 2023'](#).

Za sva pitanja i eventualne nedoumice koje imate o našem Programu stipendiranja, pozivamo vas da se prijavite na posebnu informativnu sesiju pod imenom "Pitanja i odgovori o Stipendijskom programu Fondacije BOSANA". Ovaj online događaj održat će se putem Zoom platforme 31. jula 2023. godine, s početkom u 19:00 sati.

Naš cilj je:

- Pružiti vam sve odgovore na eventualne nedoumice koje imate;
- Podijeliti sa vama iskustva i savjete koji će vam pomoći pri pripremi vaše aplikacije!

Da biste se prijavili za učešće na ovoj online sesiji, potrebno je da pošaljete svoju prijavu putem LINK-a <https://forms.gle/XELfocURVmgrJYPv8>

Pristupne podatke ćemo vam poslati na vašu e-mail adresu 31. jula u 08:00 sati.

Za sve vas koji ste baš sad odlučili da ćete aplicirati na Konkurs savjetujemo da posjetite i zapratite Bosana Fondaciju na [Instagramu](#), [Facebooku](#) i [LinkedInu](#), budući da ćete sve dodatne informacije u vezi sa Konkursom, pronaći upravo tamo.

Sretno svim aplikantima/icama!

Vaša BOSANA!